



True Scotch is NOBLE Scotch

*A very special Scotch Whisky
for demanding tastes
A hand crafted whisky
Prepared with the finest ingredients
from Scotland.*

Agente exclusivo:

Palmera
Quality Production N.V.
L.G. Smith Boulevard #140 - Tel: 582-2122 / 582-4277

Dia 6 di December

Aruba ta bisti di gala pa “Hey...ta Pasco!” e concierto

ORANJESTAD - Tur cos ta musta cu Cas di Cultura lo resulta chikito pa e concierto di gala di “Hey...ta Pasco!” presenta pa Edjean Semeleer y su amigonan. Manera cu e promocionnan a cuminsa core ya caba por a nota e entusiasmo pa e concierto aki.

Edjean, aparte di ta un artista masha stima mei-mei di nos pueblo di Aruba, ta un persona masha perfeccionista y esey ta indica bo cu e concierto aki lo tin e perfeccion necesario manera cualkier artista internacional.

Edjean Semeleer lo comparti escenario cu artistanan di taya manera Edwin Abath cu lo deleita tur presente cu su exitonan immortal. Gloria Vega, cu lo hiba bo bek den tempo cantando su exitonan di fin di aña. E energia y alegria hubenil lo yena bo curazon pa e ternura y voz angelical di Jeanedy Semeleer. E voz in confundibel di Erin Croes lo trece e sentido nostalgia cu esnan leu di cas lo por sinti durante di e temporada aki. Complementa pa e voz unico di Magdeline Roos, cu lo rebiba recuerdonan unico di e

Pasconan cu a pasa caba.

Sigur un anochi bunita unda cu temanan di Pasco lo resona combina cu temanan popular. E anochi aki lo cuminsa pa 7or cu un recepcion di “Wine & Cheese” pa despues tur presente drenta e sala principal di Cas di Cultura pa asina 8or goza di algo mas di 2 ora di un tremendo concierto. Edjean y su artistanan invita lo wordo acompaña pa un “all star band” bao guia di Hildward Croes.

Busca bo carchi cu ta obtenibel na studionan di Magic Fm, CD’s

& More y na Cas di Cultura. ta Ta recomendable pa bo busca bo carchi trempan, pa bo no keda afo di e gala musical aki, ya cu manera tur cos ta indica, nos lo bai tin un show “SOLD OUT”.

Durante e concierto aki tambe lo tin posibilidad pa bo cumpra bo produccion di Edjean Semeleer.

“Hey...ta Pasco!” cu Edjean Semeleer y su artistanan invita, lo bira e show pa sera aña 2006 cu broche de oro. Busca bo carchi y ban apoya y sostene nos artistanan local.

